



ABC

**NI JA MIKAKA KAIBE
PARTIDO BÄRE**

**TE TRIBUNAL
ELECTORAL**
LA PATRIA LA HACEMOS TODOS

**DRE DRE NUEDREN, NITRE JA
MIKAKA JITE PARTIDO BÄRE.**

KUKWE TIKANI JOKRÄ TÄRÄBTA.

| | | |
|-------|--|----|
| I. | NI JA MIKAKA KAIBE PARTIDO BÄRE NE KUKWE, TÄRÄ ÜKADRE KRÖRÖ JAKRÄ. | 3 |
| II. | NGWIAN KÖBÖI Ü KADR TE BANCOTE KWE JAKRÄ. | 6 |
| III. | NI KÄ DIANDREKÄ KWE. | 7 |
| IV. | NGWIAN METREBTI, JA KRÜKANDRE KWE. | 12 |
| V. | NGWIAN KITADREKÄ NUÄI KWE KA KRÜKANTA NE RABAI GARE METRE JOKRÄ. | 13 |
| VI. | NGWIAN MENTENI BIANDRE NUÄI IE, JA KRÜKENKRÄ YE RABADRE GWÄRERE JOKRÄ. | 15 |
| VII. | KÄ KÖBÖI BAIN JA MIKAKA JITE KRÄ. | 18 |
| VIII. | JA KRÜKEN KÖBÖ KÄ NGRABARE TIBIEN. | 19 |

**1. NI JA MIKAKA JITE KAIBE PARTIDO
BÄRE NE KÄKWE TÄRÄ ÜKADRETE
KRÖRÖ JAKRÄ.**

1. ¿NI JA MIKAKA JITE KAIBE PARTIDO ANBKO IE, KUKWE ÑOÑO TÄ NIARA DI MIKAKRÄ YE RABADRE GARE TÄTE JOKRÄ IE NE KÖBÖIRE RIKADRE NI KÄ DENKÄ JAKRI KÄ NGRABARE TIBIEN?
- R. NI TÄRÄ KITAKA JIE NGWIANKA NE TÄ SRIBIRE JU MDENTE YR MIKADRE KWE TÄRÄBTA, KUKWE NEBEN KETATIBE:
- A. JA KÄ, BTA CEDULA KWE AUNE, SRIBI MUKO KWE ITI KÄ MIKADRE GARE KWE TÄRÄ YEBTA SIBA.
- B. TÄDRE NÜNE MDENTE, TÄDRE SRIBIRE NE AUNE, KÖ OKWÄ BLITAKRÄ KWE YE MIKADRE GARE KWE JÖKRÄ TÄRÄBTA GADRE, NE KWRERE ARANTO BLITA KÖBÖI TÄRÄ MENTENI KWE NE AUNNE, MIKADRE JENE JENE SIBA KWETRE TÄRÄBTA.
- C. DRE SRIBIEKRÄ JA MIKATA JITE AUNNE, KÄ MDENTIBTI TIBIEN YE MIKADRE GARE JOKRÄ TÄRÄBTA.
- D. TÄRÄ OKWÄ 178, 180, 192, BTA 193, JUTA NIKWE PANAMA, NE MIKATA JITE JÖKRÄ RABADRE GARE AKWA, KUKWE NE ABKO, TÄ MIKANI ÑAKARE JITE, NI JA MIKAKA JITE PRESIDENTE KRÄ.
- E. NI JA KISE MIKAKA MIKADRE ITI JAKRI NE AUNNE, NI ARA KÄ BTA CEDULA KWE AUNE, TA NÜNE MDENTE METRERE YE MIKADRE GARE JÖKRÄ TÄRÄBTA.
- F. NI MIKADRE ITIRA JIRE NI KÄ DIANKAKRÄ JAKRI NI NE ABKO TÖTIKADREKÄ KÄNE SRIBI NE NUENKRÄ.
- G. JA MIKATA JITE NE KÄNTINI GIDIANDRE KÄ MI KRÄRIKIBE JAKRI NE AUNNE, MGWIAN KÖBÖI MIKADRE KETATI BANCOTE ABTI, MIKADRE KWE TÄRÄ

KITA JIE NGWIANKAYE TÄRÄ JOKRÄ
KWE BEN KETATIBE NGWIAN BANCOTE
NE ABKO, NI ITI NGWIAN TANKA METRE
GWÁRERE ABKO, MIKADRE SRIBI YE
NUENE JÖKRÄ.

AUNE KÄ RUÄRE KÄNTI ABKO, NI
KÄ GIDIANDREKÄ BÄRI BRAI MI
KRARIKEKRÄ ABKO KÄNTI, NGWIAN
KÖBÖI DIANDREKÄ ÑAKARE
BANCOTE. NI JA MIKA JITE NE YE
JIRIÄBETÄRÄ KITA JIENGWIANKAKWE
TÄRÄ BIANDI IE, NI KÄ DIANKAKRÄ
KÄ NGRABARE TIBIEN. ARANTO TÄ
NGWIAN KITIKÄ NUÄI KÖBÖTIRE
KÖBÖTIRE, YE MIADRE JOKRÄ KWE
TÄRÄBTA.

H. JA KÄ MIKAI REBE KWE TÄRÄNTA
TÄRÄ SRIBIBTA KWE, BTA TÖ DRE DRE
SRIBIE NUEIN ABKO, TIKADRE KWE
TÄRÄBTA.

I. NE BIANDRE JOKRÄ KETATIBE BTI
BIANDRE KWE TÄRÄ KITA JIE
NGWIANKAYE JOKRÄ.

**2. ¿NI KÄ DIANKAKRA MDATE AUNE,
ÑO NGWANE MRÄ NI KÄ DIANDREKÄ
JAKRI?**

R. KÄ TE JA MIKATA NE KÄNTI TÄRÄ NI
KÄ DIANDREKÄ YE MIKA JANANDRE
SIBRIKÄTRE TÄRA KITÄ JIE NGWIANKA
YE. DRE SRIBIEBTA JA MIKATA JITE YE
MIKADRE GARE JÖKRÄ. JA MIKAKA
JITE PRESIDENTEKÄ ABKO KÄKWE,
TÄRÄ YE BIANDRE JUTA KRITE. AUNNE
JA MIKAKA JITE KÄ BRAI BRAI TE ABKO
KÄKWE, TÄRÄ YE ÜKADRETE KÄITE KÄ
NGRABARE TIBIEN.

NI KÄ DIANKAKÄ TÄRÄBTA JAKRI KÄ
NGRABARE TIBIEN YE ABKO, ÜKADIKRÄ
JOKRÄ MRÄ ENERO KÖBÖRIKE 2019, TE NI
NIMÄBE KÄKWE, NI KÄ DIANNIKÄ BÄRI
ABKO KÄKWE, NI KÄ DIANNIKÄ BÄRI
JAKRI ABKO KRÄ, RABADI TÄRÄ KITADRE
NE NÄIRE AISETE JA JUADRETARINI KÄ
DENKÄ JAKRI.

3. ¿NI JA MIKAKA JITE KAIBE TARTIDO BÄRE KÄKWE, TÄRÄ KWE BIANORE SRIBIKÄTA TÄRÄ KITA JIE NGWIANKAYE NE ÑONGWANE RABAITA KISETE RUEN?

R. SRIBIKÄ JI DOKWÄTE TÄRÄ KITA JIE NGWIANKAYE, YE KÄKWE TÄRÄ YE TUADRETE KÖBÖIMÄ JA TARI. TÄRÄ YE DBE TÄTE JÄKRÄ NE AUNE, TÄRÄ KITA JIE NGWIANKAKÄ YEKWE NI KÄ DIANKA KÖBÖI BIANORE NI JA MIKAKA JITE YEYE. YE KÖBÖIRE RIKADRE NI KÄ DENKÄ ITIRE ITIRE JA TARI, JA MIKAKRA GRÄBTI.

4. ¿TÄRÄ KÄRÄTA NI ITIRE ITIRE IE, NE ÑAKARE TÄTE AUNE, DRE RÜKADREKÄ NI YEBTA?

R. KÄ BIANDI KÖBÖRIKE IE TÄRÄ YE ÜKATEKRÄ JOKRÄ. KÄ KÖBÖIRIKE NE TE, TÄRÄ ÑAN ÜKADETE NE AUNE, RABADREKÄ MENTÄN JRIÄBE AKWA, TÄRÄ ÜKADRETEJÖKRÄ KWENE AUNE, ÑAN MIKAKA ÑAN RABA MENTÖN.

5. ¿TÄRÄ ÑOÑO REKETAITEJABTA NI JA MIKAKA JITE YE?

R. NI JA MIKAKA JITE KÄKWE, TÄRÄ ÑOÑO KETAITA JA KIRERE ABKO MDEN NERE:

PRISIDENTEKRÄ ABKO KRÖRÖ: DÄREDRE JUTA KWE PANAMATE, KÄ KWÄ GREBTI KWÄ JADÄBTI KWÄRIKE TÄRÄ KITA KÖBÖI KÄNEKRI IE, MIKA ÑAKARE NGITE KÄ KWÄRIKE JA TARI. NANE KUKWE NAMANI KRÄ AKWA, JI DOKWÄTÄKÄ ÑAKERE KÄIN. MDAKÄRE ABKO, DRE DRE TÄ NIEBARE TÄRÄ JUTA NI KWITA PANAMA, YE ABKO, ART. 178, 180, 192 BTA 193, YE BE TÄDRE KOIN JABTA.

DIPUTADOKRA ABKO KRÖRÖ: DÄRE JUTA PANAMATE, MENTENI NE AUNE NÜNABARE KWE KÄ KWÄ JADÄBTI KWÄRIKE, NE AUNE TÄRÄ JUTA NEKWE

ÜKANINTE KWE NE AUNNE RABADRE JA MIKE JITE SIBA. KÄ KWÄGREBTI TÄTE IE, TÄRÄ KITA KÖBÖI KÄNENKRI. MIKA ÑAKARE NGITE NEBEBE KÄ KWÄRIKE. AUNE JI DÄKWÄ TÄKÄ ÑAKARE KANE , NE AUNE KUKWE ÑAKARE KRÄ. KÄ TE TÄ JA MIKE JITE YE TE TÄDRERA NÜNE KÄ KWATI. TÄRÄ KITA KÖBÖI KÄNENKRI, NE AISETE KUKWE ÑAN RABADRE KRÄ. TÄRÄKWE RABADI DI MIKE KOIN NEBEBE TÄRÄ KITA NÄIRE.

ALCALDE, REPRESENTANTE BTA CONSEJAL ABKO KRÖRÖ: DÄRE JUTA PANAMATE AKWA, MENTENI NE AUNE RABADRE NÜNE KÄ KWÄ JÄDÄBTI JUTA PANAMATE. KÄ KWÄ KWÄ TÄ TE IE, TÄRÄ KITA KÖBÖI KENANKRI. MIKA ÑAKARE NGITE EREBE NEBEBE KÄ KWÄRIKE AUNE, JI DOKWÄ TÄKÄ ÑAKARE KÄNE NEBE NE AUNE, JA TEBADRE BÄ RÄRE EREBE KWETRE. MDA KÄRE ABKO, KÄ TE TÄ JA MIKE JITE NE TE RABADRE NÜNE KÄ KWATI TÄRÄÄ KITA KÖBÖI KÄNENKRI.

6. ÑO NGEANE TÄRÄ KITA JIE NGWIANKAKWE NI JA MIKAKA JITE BÄBÖKADRE NEBEBE JITE?

R. NI JA MIKAKA JITE NEKWE TÄRÄ BIANDE TÄTE JÖKRÄ ABKO KÖBÖIRE, RABADRE BIARE, NE KÄ DIANKAKA JAKRI, KÄ NGRABARE TIBIEN NE AUNE RABADIRA ITI ITI SRIBIKÄ TÄRÄ KETABTA YEKRÄ.

//. NGWIAN KÖBÖI ÜKADRETE BANCOTE KWE JAKRÄ.

7. ¿TIKWE NGWIAN KÖBÖI ÑO MIKADRE BANCOTE JA KRÜKENKRÄ?

R. NGWIAN KÖBÖI DIANKAKRÄ JÖTRÖ NE KÖBÖI ÜKADRETE BANCO PANAMA NEBTA, JA KÄ MIKADRE AUNE, NGWIAN KÖBÖI JA KRÜKANKRÄ TÄRÄ KITA KÖBÖI NEBEBE 2019, NEKRÄ MIKADRE GARE KORE.

8. ¿BANCO TE TÖ NGWIAN KÖBÖI KÄRERE JA KRÜKANDRE AKW, ÑAN TÖ RABAI KÖBÖI BIEN TIE NE KÄNTI TIKWE JA NUENDRE?

R. JA ÑAN TEBAI, BANCO MDAKWE NGWIAN KÖBÖI BIANDRE ÑAKADRE NE AUNE, KUKWE YE KÄDRIEBARERA JÖKRÄ MUNKRÄ, BANCO JUTA PANAMA BEN SRIBIKÄTRE TÄRÄ KITA JIE MGWIANKAKWE MUN DI MKAKRÄ.

9. ¿NE KWREERE ARANTO, DIPUTADO PARLACEN KRÄ KÄKWE, NGWIAN KÖBÖI DIANDREKÄ KETATTI SIBA BANCOTE JA KRÜNKANKRÄ YA?

R. NI JA MIKAKA JITE DIPUTA PARLACEN KRÄ NE KÄKWE, NGWIAN KÖBÖI DIANDREKÄ SIBA BANCOTE NE KÄNTI, NIARA KUKWE MUKO MENTENI RABADRE NGWIAN JUENKRÄ TE JA KRÜKENKRÄ ABKO, JRIÄBE RABADRE TUÄDREBTI IE SRIBIKÄTRE TÄRÄ KITA JIE NGWIANKA.

///. NI KÄ DIANDREKÄ KWE JAKRÄ.

10. ¿ÑO NGWANE N KÄ DIANDREKÄ JAKRI KÄ NGRABARE TIBIEN?

R. JA MIKAKA JITE NEKWE JA TÖTIKADRE KÄ SRIBIKÄ KWE BEN GUAIRE NEBTI, TÄRÄ KITA JIE NGWIANKA KWE TÄRÄ BIANDRE IETRE NI KÄ DIANKAKRÄ JAKRI KA NGRABARE TIBIEN. SÖ KRATIRE KRATIRE TE TÄDRE NEBE TÄRÄ NE MIKE TUADRETE SRIBIKÄTRE TÄRÄ KITA JIE NGWIANKAYE NE KÄNTI, NI KÄ ÑO ABKO, RABADRE GARE JÖKRÄ.

11. ¿TÄRÄ NI KÄ DIANKAKRÄ NE BIANDRE KÄNENKRI, NE NI ÑO SEKWE SRIBI YE NUENDRE ABKO, TÖTIKÄDREKÄ KÄNE YE?

R. NI JA MIKAKA JITE BTA SRIBIKÄ BEN YE TÖTIKADREKÄ ÜNAN JOKRÄ AUNE, TÄRÄ NI KÄ DIANKAKRÄ BIANDRE

IETRE JOKRÄ SRIBIKÄTRE TÄRÄ KITA
JIE NGWIANKA KWE. NGÄBETRE NE
TÖTIKÄDREKÄ JUTA KRITE AUNE,
JUTA BRAI NGWIREBTI TE.

12. ¿NI JA MIKAKA JITE PRESIDENTE KRÄ
NE RABA TÄRÄ NI KÄ DIANKAKRÄ
KÄRERE MIKADRE KÄ KIA KIATE
JÖKRÄ?

R. ÑAKARE. TÄRÄ NI KÄ DIANKAKRÄ
YEBRA RABADI MIKANI JUTA KRITEBE.
JA MIKAKA JITE RABADRE TÄRÄ NI
KÄ DIANKADRÄ KÄRERE MIKADRE
JUTA KIA KIAKATE ARANTO NI KÄ
DIANKAKRÄ JAKRI.

13. ¿NI JA MIKAKA JITE NE MIKADRERA
JITE BIARE AUNE, RABA SRIBIKÄ BEN,
YE BEN NI KÄ DENKÄ DE DERAYE,
NEBE BE BÄMIAI KRATI YA?

R. YE KWRERE. BUKÄNÄ AKWA. ITIRE
ITIRE KÄKWE, NI KÄ DIANDREKÄ JENE
JENE TÄRÄBTA, NE TUÄDITE JOKRÄ
BENTRE. NANE NI KÄ MIKAKA ERERE
ÑAKARE KWANDRE IETRE NE AUNE,
KUKWE RABADRE BTA KRÄTRE.

14. ¿TÄRÄ NI KÄ DIANKAKRÄ NE MIKATE
RABA JÄNDRÄN RÜRÜBÄIN JUETE
YA, NI KUKWE MUKO JUETE NI KÄ
DIANKAKRÄ YA?

R. NI SRIBIKÄ KUKWE YEBTA TÄDRE
NÜNE ITI KÄ YE KÄNTI NE AUNE,
TÄRÄ YE MIKADRETE IE YETE, NI
KÄ DIANKAKRÄ, NE KÄNTI NIARA
RABADRE MOKREKÄ TÄRA YEBTI.

15. ¿NI RUÄRE TÄRÄ JA KÄ MIKAKA
PARTIDO KRÄ NE RABA JA KÄ MIKE
SIBA NI JA MIKAKA JITE JITE KAIBE
PARTIDO BÄRE KRÄ YA?

R. RABADRE JA KÄ DENKÄ KRI AGOSTO
KÖBÖIJÄTÄBTIKÖBÖITI, NI JIDOKWÄTE
KRI KÄKWE NIEBARE KRÖRÖ: NI ITI
KUKWE JA KÄ MIKÄNI PARTIDOBTA

ABKO, JA KÄ MIKADRE KWE NI JA MIKATA JITE PARTIDO BTA ABTI, JA KÄ MIKADRE KWE NI JA MIKAKA JITE PARTIDO BÄRE DI MIKAKRA YE NI KOIN, JA KÄ DIANDREKÄ KWE PARTIDO BTA, RABADRETA KAIBE PARTIDO BÄRE.

MTRERE ABKO, NI KÄ PARTIDO BTA AKWA, NI JA MIKAKA JITE PARTIDO BÄRE DI MIA TÖ RABAI NE AUNE KUKWE RABAI ÑAKA BARE BTA NI KRÄ. TÄ NIEBARE KORE TÄRÄ KRI KUKWE TÄRÄ KETABTA KRÄ.

16. ¿NI ITIKWE JA KÄ TA MIKANI PARTIDO BTA AKWA, JA KÄ BIANDRE KWE NI JA MIKAKA JITE KAIBE PARTIDO BTA BÄRE YE NEBTA KUKWE RABAI KRÄ YA, ÑO NUEN?

R. JA KÄ BIANDRE NI JA MIKAKA JITE PARTIDO BÄRE DI MIKAKRÄ YEBTA NI ÑAN DIANDREKÄ TÄRÄ PARTIDO KWEBTA. KUKWE ÑAN RABAITA NI KRÄ.

17. ¿NI ITIBE RABA JA KÄ BIEN NI JA MIKAKA JITE KABRE DI MIKAKA SRIBI EREBE KRÄ YA, ÑO NUEN?

NI ITIBE ÑAN RABA JA KÄ MIKE JA MIKAKA JITE ITIRE KRÄ SRIBI ARABE KRÄ. ÑOBTA ÑAKARE AUNE, SÖ KRATIRE KRATIRE NI KÄ TÄRÄBTA YE TUABTI JÖKRÄ KÄNTRE, SRIBIKÄTRE TÄRÄ KITA JIE NJWIANKAKWE, NANE NI KÄ ARABE KWANDRE TÄRÄ MDABTA NE AUNE, JA KÄ MIKANI KÄNE TÄRÄBTA AIBE RABADRE ITIÄTE MDA MDA ABKO, DIANDREKÄTRE MENTÒN KWETRE.

18. ¿NI ITIBE KÄKWEJA KÄ BIANI NI JA MIKAKA JITE KWATIYE NE ÑO KÄNTI GADREBTA?

R. SÖ KÖBÖI ÑO ÑOBTA, JA KÄ MIKANI KWE YEBTA GADREBTA, JA KA MIKANI KÄNE KWE JA MIKAKA JITEKRÄ AIBE

RABADRE ITIÄTE. NI KÄ NGIDIANINKÄ
KORE TÄRÄBTA NE JÖTRÖ NGWARBE
MIKADRE GARE KWE SRIBIKÄTRE TÄRÄ
KITA JIE NGWIANKAYE.

19. ¿NI ITI KÄKWE JA KÄ BIANI KÄNE JA
MIKAKA JITEYE MTARE ABKO, TÖ
RABAI JA KÄ YE DENKÄTA KÄN NEBTA
RABA JA KÄ MIKE NI MDAKRÄ YA, ÑO
NUEN?

R. NI YE RADRE JA KÄ DENKÄTA
MENTÄN JA MIKAKA JITE YEKRÄ
AKWA, BENKWAIRE RABE KÄ ÑAN
BIAN RABA IE JA KÄ MIKAKRÄ NI
MDA JA MIKAKA JITE SRIBIA ARABE
KRÄ DI MIKAKRÄ.

20. ¿NI KÄ RABADRE TÄTE JA MIKAKA
JITEKWE NEBTI JA NUENDRE KWE?

R. NI KÄ RABADRE TÄTE JA MIKAK
JITEKWE AKWA, RIKADRE NI KÄ
DENKÄ BÄRI BTI MDA JAKRÄ, NE TANDI
JOKRÄ KRÄ AISETE, NI KÄ DIANDEKÄ
BÄRE MDA KWE JAKRÄ. MDAKWE
ABKO, JA MIKAKA JITE NE NI MÄBE
KÄKWE, NI KÄ DIANDEKÄ BÄRI EREBE
ABKO, RABADI BÄRI KÄNE JITE, NE
KRÄKETRE TÄRÄ KITADRE, TÄRÄ KITA
KÖBÖI NÄIRE. JA KÄ MIKATA TÄRÄBTA
PARTIDO KRÄ ABKO KRÄ, KÄ DIANTA
BRAIBE JAE, KÄ DIANTA KÖBÖITIRA
JIRE, NEBEBE ÑÄNÄN ÖKWÄ KRÄBKÄ
MRÄ DERE AUNE, SRIBI KÄ TÄRÄ
KITA JIE NGWINKA BEN GUAIRE SRIBI
YE NUENDRE, NE KWRERE KÄNTI
RABADRE ITIÄTE AUNE, KAIBE ÑAN
RABADRE BARE.

21. ¿NI JA MIKAKA JITE NIBU YE IETRE NI
KÄ GIDIANDIKÄ JA NÄRE NE KÄNTI,
ÜKADRETE ÑO KRÄTRE?

R. NI KÄ GIDIANKÄ JA NÄRE TÄRÄBTA
NE ABKO, TUADRE KRÖRÖ KÄNTI:
NI NIBU NE MDENYE NI KÄ NAMANI
TÄTE KÄNE TÄRÄBTA ABKO, ERERE

KÄNTI ÜKADRETE JRIÄBE JA TARI TARI.
NE MDEN AISETE, NI KÄ RABADRERA
TÄTE AKWA, NI KÄ DIANDREKÄ BÄRI
NEBEBE KÖBÖI MRÄTE.

22. ¿NI KÄ GIDIANDRKÄ MNÜ KRÄ JÄTÄ
NEBTI, NI KÄ DIANDREKÄ BÄRI YA,
ŃO RUEN?

R. NI KÄ DIANDREKÄ BÄRI JANGNO, ŃO
ERER TÄ NIEBARE TÄRÄ NE KÄNENKRI
BTA YE KWRERE.

23. ¿NI KÄ TANDI MRÄ JA TARI TARI NE
MDEN RABADI BÄRI ITIÄTE YA?

R. NI KÄBRA ÜTIÄTE RUÄREBE JÖKRÄ,
ŃO ERERE TÄ MIKANI TÄRÄ NE
KÄNENKRI.

24. ¿TÄRÄ JA KÄ DIANKAKRÄ NE TÄDI
MIKANI JUTA KRITE, BTA JUTA KIA
KIATE JOKRÄ KÄ NGRABARE TIBIEN
YA, ŃO NUEN?

R. NI MDEN JA MIKANI JITE TÖ RABAI
TÄRÄ NI KÄ DIANKAKRÄ NE TUAI KÄ
KIAKIATEJAKRÄ ABKOERERE, RIBIEDRE
KWE TÄRÄ KITA JIE NGWIANKAYE
KÖBÖ JÄTÄ JA KÄNENKRI, NE ERERE
RABADRE BARE.

25. ¿DIPUTADO PARLACENKRÄ MIKA
RABA JJITE SIBA YA, ŃO NUEN?

R. NI JA MIKAKA JITE PRESIDENTEKRÄ
KAKWE, TÄRÄ JAKWE BIANDE, NE
NUÄIREBE TÄRÄ JA MIKAKA JITE
PARLACENKRÄ NE BIANDE SIBA
KWE TÄRÄ KITA JIE NGWIANKAYE NE
AUNE, RABADRE ÜKANINTEBE SIBA JA
MIKAKA JITEYEAKWA, KÖBÖ MDEBTE
TÄRÄ NI JA MIKAKA JITE PARLACENKRÄ
RIKADRE BIEN MIKADRE JITE NE AUNE,
KADRE NGÄBTI ŃAKARE IE.

26. ¿NI GWIRE JUTA PANAMA NETE AKWA, TÄ NÜNE KÄ MENTEFTI TIBIEN, NE RABA JA KÄ BIEN JA MIKAKA JITE DI MIKAKRÄ YA?

R. NI YE KÄTÄ TÄRÄBTI KÄNTI JA MIKAKATA JA MIKE JITE NE AUNE RABADRE JA KÄ BIEN KRÄ DI MIKAKRÄ, ARANTO TI BIKE KUKWE NE MIKE GARE MUNYE, NI PANAMA NETE AKWA TÄ NÜNE JUTA MDETE NE KÄKWE, TÄRÄ KITADRE PRESIDENTEBE KRÄ.

27. ¿NI JA MIKAKA JITE NE RABA SRIBIKÄ KWE KWITE NI MDABTA YA, ÑO RUEN?

R. TÖ RABAI SRIBIKÄ KWE KITAİKÄ NI MDA MIKAI TÄTE NE AUNE, NI SRIBI KÄ KWE TWAKA KÄNTI OKWÄBTA NUENDRE KWE, NE KWRERE ÑAKARE NE AUNE, NUENDRE KWE, SRIBIKÄTRE TÄRÄ KITA JIE NGWIANKA NGWÄREKRI JA KÄITE. NEBTI NI MDA NE TÖTIKAKÄ KÄNE SRIBI YE KRÄ ABTI, TÄRÄ NI KÄ DIANKA KRÄ MIKADRE KISETE SRIBI YE NUENKRÄ.

28. ¿NI SRIBIKÄ NE ÑO NGWANE RABAI NI KÄ DENKÄ JAKRI, NI KÄ NGRABARE TIBIEN?

R. NI RABAI NGWARBE SRIBI KWEBTA AUNE NI KÄ DIANDREKÄ JAKRI KWE KÄ NGRABARE TIBIEN

IV. NGWIAN METREBTI JA KRÜKENDRE KWE.

29. ¿NGWIAN METRE NGWARERE NE BIANDI NUAI AUNE, ÑO NGWANE BIANDI JA MIKAKATRE JITEYE?

R. GOBRAN ÑAN RABA NGWIAN BIEN NI JA MIKAKA JITE KAIBE PARTIDO BÄRE YE, JRIÄBE JA MIKAKA JITE NIMÄBE KÄKWE, NI KÄ DIANKAKRÄ BÄRI EREBE ABKO, RABADIRE GARE AUNE BATIBE, KÄ DIANDI BÄMÄN KROBU TE NGWIAN IETRE.

NE GADI BÄRI METRE ENERO 2019 BTA
NE KÄNTI JOKRÄ KRI KIARE KAKWE, NI
KÄ DIANINKÄ NEBE JENE JENE ABKO,
MIKADI GARE JOKRÄ.

**30. ¿NI JA MIKAKA JITE ITI IE NGWIAN
BIANDRE DI MIKAKRÄ ABTI, ÑAN TÖ
RABAI JA MIKEMDA JITE, JA DIANINKÄ
MENTÖN KWE NE KRÄ KUKWE RABAI
ÑO?**

R. NI JA MIKAKA JITE YE, NGWIAN
BIANDRETA, NI TÄRÄ JIE NGWIANKA
YE YE, ÑOBTA ÑAN AUNE KUKWE
RABAI KRI KRÄKE. NI JA MIKAKA JITE
NIRABADRE KUKWE MIKE TÄTE, YEBTA
TÄRÄ KITA JIE NGWIANKAYE KUKWE
NE, MIKADRE GARE CONTRALORIA
GENERAL PANAMA, YEBTA RABAI
NGITE NGWIANBTA.

**31. NI JA MIKAKA JITE NE IE, NGWIAN
METRE BIANDI NUÄI ¿NGWIAN
KITANINKÄ NUÄI KWE ABKO ERERE,
BIAMDITA TÄTE IE YA?**

R. NI JA MIKAKA JITE KAIBE PARTIDO
BÄRE AUNE, JA MIKAKA JITE PARTIDOTE
NE KRÄTRE NGWIAN TA NUÄI YE
TEBAIDRE ÑAKARE BÖKÄN KWETRE.
AUNE NGWIAN KWE MIKATA NUAI
KWE JA KRÜKENKRÄ, BTA NGWIANA
NI MDA MENTENITA BIEN JA MIKAKA
JITEYE, YE ABKO BEN, TÄDRE MOKRERE.

V. NGWIAN KITADREKÄ NUÄI KWE JA KRÜKENTA NE RABAI GARE METRE JOKRÄ.

**32. ¿NI JA MIKAKA JITE NE KÄKWE,
NGWIAN KITADREKÄ NUÄI MRÄ JA
KRÜKANBTA?**

R. NI JA MIKAKA JITE RIKADRE NI KÄ
DENKÄ JAKRI, NE KÖBÖIRE RABADRE
NEBE JITE TÄRÄ KITA NÄIREKRÄ
NIARA KÄKWE NGWIAN KITADREKÄ

KUMBKÄBE NI ITIRE KÄBTA KÖBÖTIRE
KÖBÖTIRE JA TARI.

33. ¿ARANTO NI RUÄRE KÄKWE, JÄNDRÄN
BIANDI JA MIKAKA JITE DI MIKAKRÄ, NE
TANDRE MRÄ KRÄTRE?

R. MDARE ABKO, NI JA MIKAKA JITEKWE
MGWIAN MIKADRE NUÄI JA KRÜKENKRÄ
BTA, NI MENTENI KWE NGWIAN BIANDA
YE MIKAKA JITE NE DI MIKAKRÄ, NE
ABKO, BIANDI KWE NGWIANE YA,
CHEQUE YA, ÑAN RABA GARE.

34. ¿SÖ KRÖBU NETE NEBEBE TÄRÄ KITA
NÄIRE MRÄ NETE JA MIKAKA JITEKWE
NGWIAN KITADREKÄ NUÄI MRÄ JA
KRÜKENBTA?

R. JA MIKAKA JITE, PARTIDOBTA, BTA JA
MIKAKA JITE KAIBE PARTIDO BÄRE NE
RABADRE RUÄRE SEBE EREBE. MDAKÄRE
ABKO, JA MIKAKA JITE SRIBI ÑOKRÄ
ABKO EREBETA, RABADI ÜKANENBTIBE
JA TARI TARI.

JA MIKAKA JITE PRESIDENTE KRÄ
ABKO IE, NGWIAN GIDIANDRE KRÄ
JÄTÄ MILLONES JA KRÜKENKRÄ KÄ
NGRABARE TIBIEN.

JA MIKAKA JITE DIPUTADO KRÄ ASBKO
IE, NGWIN GIDIANDRE MI JANEKA
KRÄMÄ JA KRÜKENKRÄ KÄ NGRABARE
TIBIEN.

JA MIKAKA JITE ALCALDE KRÄ ABKO IE,
NGWIAN GIDIANDRE MI KRÄ JÄDÄBTI
KÄRIKE JA KRÜKENKRÄ KÄ NGRABARE
TIBIEN.

JA MIKAKA JITE REPRESENTANTE KRÄ
ABKO IE, NGWIAN GIDIANDRE MRÄ
MI KRÄ JÄTÄ NÄRE JA KRÜKENKRÄ KÄ
NGRABARE TIBIEN AKWA, NGWIAN
GIDIANDRE BÄRI IE ABKO, JANEKA
KRÄTIBTI ÖTARE JA KRÜKENKRÄ KÄ
NGRABARE TIBIEN.

35. ¿NGWIAN NUÄBTI, JA MIKAKA JITEKWE, JA MIKADRE GARE TÄRÄBTA, TÄRÄ KITAKA KWEYEKÄ NGRABARE TIBIEN?

R. JA MIKAKA JITE ÑAN PRESIDENTE KRÄ, NE KÄKWE NGWIAN KITADREKÄ GRE KETAMÄ BEBTI MRÄ KUKWE KRÖRÖ KRÄ. JA MIKAKA JITE KAIBE PARTIDO BÄRE ABKO KRÄ, RABADI KARE TÄRÄ KITA JIE NGWIANKAYE NE ABKO, NUÄI YE TÄ GARE IETRE NEBEBE TÄRÄ KITA KÖBÖI NÄIRE MRÄ. METRERE ABKO, NI KÄ ITIÄ KUNBKÄ ITIRE ITIRE BTA RABADRE NEBE BARE IETRE.

VI. NGWIAN MENTENI BIANDRE NUÄI IE, JA KRÜKENKRÄ YE RABADRE GWÄRERE JOKRÄ.

36. ¿NI JA MIKAKA JITE NEYE NGWIAN BIANDRE NUÄI MRÄ KUKWE MUKO MENTENIKWE?

R. JA MIKATA DRE SRIBIKÄ JITE ABTA NGWIAN BIAIN NIE. JA MIKAKA JITE PRESIDENTE KRÄ ABKO IE NGWIAN BIANDRE JANEKA KRÄMÄ, NE ABKO, BÜRE KRÄMÄBTI MILLON KRÄ JÄTÄBTI. AUNE JA MIKAKA JITE SRIBI BÄRI BRAI BRIABTA ABKO KRÄTRE, BÜRE GRE KETABTI KRÄRIKEBE EREBE.

37. ¿JÄNDRÄN MRÖRE BIANDRE NE ABKO, ITIATE NUÄI MIKADRE ÑO?

R. JÄNDRÄN NE BIANKAKWE, JÄNDRÄN NE ITIÄTE NUÄI TÄRÄBTA BIANDRE BTA NE AUNE, ERERE MIKADRE GARE, NE KWRERE ÑAKARE NE AUNE JÄNDRÄN YE KWRERE RÜRÜBÄINTA NUÄI NUÄI JA NGÄTÄITE YEBTA ITIÄ MIKADRE.

38. ¿JÄNDRÄN MRÖRE BIANDRE JA MIKAKA JITEYE, BTA NGWIAN NE MIKADRE GARE JÖKRÄ TÄRÄ KITA JIE NGWIANKAYE ÑO NUEN?

R. JÄNDRÄN ŃO ŃO, BTA NGWIAN BIANI
JA MIKAKA JITE DI MIKAKRÄ KUKWE
MUKO MENTENIKWE JA KRÜKENKRÄ
YE MIKADRE GARE TÄTE JOKRÄ, ŃAN
RÜKAITE CHI JAKRÄ.

**39. ¿JÄNDRÄN MRÖRE, BTA NGWIANE NE
MIKADRE GARE ŃAKARE NEBTA, NI
RABAI NGITE ŃO?**

R. KUKWE NEBTA NI RABAI NGITE
ABTA, RABAI JA ITIÄ BIANDRE MI
JANEKA KRÄMÄ, JAN ŃAN ITIÄ BIAIN
JÖTRÖ NE AUNE, MIKADRE MI JANEKA
KRÄMÄBTI ÖTARE MDABTI. NIBTI JA
ŃAN ITIÄ BIANDREKÄ NIERARE KWE
AUNE, RIKAI NGITE KÄ TERI MDA. KÄ
KOBKÄBTI SÖ KRÄTIBTI KÖBÖ JÄTA
MRÄ. NI JA MIKAKA JITE YE KUKWE,
JÄNDRÄN BTA, NGWIAN YA DIANI
BÄRIBTI ŃAN MIKANI GARE KWE NE
AAUNE, YEBTA RABADRE MIKANI
NGITE SIBA.

NGWIAN KITANINKÄ BÄRIBTI KWE,
TÄ MIKANI TÄRÄBTA NEKRÄ NE
AUNE, ARANTO RABADI NGITEBTA.
NE ABKO, NGWIAN KITANINKÄ NUÄI
KWE YE NÄRE BOBU JA TARI RABADRE
BIANDRETA JA ITIÄRE IE.

NE KWRERE JA ŃAN ITIÄ BIAN KWE
NE AUNE, MRÄ KITADRE KÄ TERI
ITIÄTE KUBKÄ BKÄ KÖ BÖITE JA TARI
TARI. MDAKÄRE ABKO, NI YE NAMANI
GRÄBTI BASÖKANINA JOKRÄ AKWA,
KUKWE KOREBTA JA MIKANI NGITE
KWE AISETE, RABADI DIANIKÄTA
JRIÄBE GRÄBTI.

**40. ¿NI JA MIKAKA JITE KAIBE BÄRE
YE RABA NGWIAN MNÜNE YE KEN
NGÄBTI, KUKWE MUKOKISETE YA?**

R. NGWIAN MNÜNE BIANDRE IE,
KUKWE MUKOKWE NE AUNE, KADRE
NGÄBTI JÄMI NGWARBE KWE IETRE.
NE KWRERE ARANTO, KUKWE RUÄRE
TÖ RABAI NGWIAN JUEN. NGWIAN

BÖBÖI, KWE BANCOTE NE TE, AUNE JUANDRE TE KRÄ KWE, AKWA KUKWE MDENTE KÁTA NGWIAN JUEN KRÄ NE KÄKWE, JA KÄ MIKADRE DIRARE BTA NE KÖBÖI RABDRE GARE METRE.

41. ¿NI JA MIKAKA JITE KAIBE PARTIDO BÄRE NE RABA NGWIAN KÖBÖI KWETRE NGWIAN MENTENI KEN NGÄBTI KUKWE MUKO KWEYE KRÜKENKRÄ YA?

R. KUKWE MUKO RUÄRE TÖ RABAI NGWIAN JUEN, NGWIAN KÖBÖI KWE BANCOTENETE AUNEJUANDRETEKRÄ KWE AKWA, KUKWE MUKO MDENTE TÄ NGWIAN JUEN KRÄ NE KÄKWE, JA KÄ MIKADRE KOIN DIRAREBTA NE KÖBÖIRE RABADRE GARE METRE.

42. ¿NI JA MIKAKA JITE NEYE KUKWE MUKO RABA NGWIAN YA, JÄNDRÄN MRÖRE YA NE BIAN KISETE YA, ÑO RUEN?

R. JÄNDRÄN MRÖRE YA, NGWIAN YE NE BIANDRE METRE KISETE JA MIKAKA JITE YE. NE KUKWE ARANTO, NI JA MIKAKA JITE NE TÖ RABAI TÄRÄ ÜKETE NGWIAN DIANKRÄ ITIÄDRE NE AUNE, JA MIKAI NGWARBE KWE, KUKWE YE KWRERE TÄ ÜKANDITE ÑAKARE TÄRÄ NEBTA.

43. ¿NI JA MIKAKA JITE NE RABA NGWIAN KÖBÖI ÜKETE NGWIAN DIANKÄ ITIÄDRE JA KÜKENKRÄ SIBA YA?

R. NI JA MIKAKA JITE TÖ RABAI TÄRÄ ÜKETE NGWIAN DIANKAKRÄ ITIÄRE NE AUNE, JA MIKADRE NGWARBE KWE, KUKWE YE TÄ, KUKWE YE KWRERE TÄ ÜKANINTE ÑAKARE TÄRÄ NEBTA.

44. ¿JÄNDRÄN TIEBE BIEN NE ÜTIÄTE ÑAKARE GOBRAN NGWÄREKRI YA?

R. JA MIKAKA JITE KUKWE MUKO KÄKWE, NGWIAN BIANDRE MI KRÄ

JÄTÄ NEBEBE KÄ KWATI NEBTA
GOBRAN ÑAN RABA NGWIAN ITIÄ
MIKEBTA KRÄTRE.

VII. KÄ KÖBÖI BÄIN JA MIKAKA JITEKRÄ.

**45. NI MIKAKA JITE NE YE KÄ KÖBÖI BÄIN
BIANDI YA, NE ABKO, KÖBÖBE MRÄ?**

R. NI JA MIKAKA JITE NIMÄ IE NI KÄ
NGIDIANINKÄ BÄRIBTI NEBE ABKO
KRÄTRE, TÄRÄKITA JIENGWIANKAKWE
TÄRÄ ÜKADETE KÖBÖIRE RABADIRA
BIARE NI KÄ DIANKAKRÄ JAKRĪ KÄ
NGRABARE TIBIEN, NE NGWANE
MENTÄNGWANE RABADITRE KÖBÖ
BÄINTE NEBEBE TÄRÄ KITA KÖBÖIBTI
BÄMÄ KROBU MRÄ.

**46. ¿KUKWE TÄ MIKANI ART. 27 NEBTA
NI JA MIKAKA JITE KAIBE PARTIDO
BÄRE NE TÄ SRIBIRE NE AUNE, JA
DIANDREKÄ ÑO NGWANE KWE SRIBI
YEBTA?**

R. NI SRIBIKÄ GOBRANBE KRÄ KUKWE
TÄ MIKANI TÄRÄ NEBTA ART. 27 NEBTA
JA KADRETARI METRE KWE. TÄ SRIBIRE
AKWA, TÖ RABAI JA MIKE SIBA JITE NE
AUNE, SÖ KRÄ TI TÄRÄ KITA KÖBÖI
KÄNENKRI JA DIANDREKÄ KWE SRIBI
YEBTA. NE KÖBÖIRE RABADRE BIARE
NI KÄ DIANDEKRÄ JAKRI.

**47 ¿NGWIAN KÖBÖI TÄRÄ JEN JA
MIKAKAKA JITEKWE BANCOTE
NE AUNE, NE TE RABA NGWIAN
JA KRÜKENKRÄ NE MIKE SIBA TE
KETATIBE YA, ÑO RUEN?**

R. RABAI NGWIAN KÖBÖI YE KWITE
JRIÄBE NGWIAN JA KRÜKENKRÄ BE
KRÄ NGWIAN TÄRÄBÄRI TE KWE
NGWÄ NGWARBE NE AUNE, YE
DIANDREKÄ JOKRÄ KWE MENTÄN,
RABADRE NGWIAN JA KRÜKENKRÄ BE
KRÄ KWE NEBEBE TÄRÄ KITA KÖBÖI
2019 TE MRÄ.

VIII. JA KRÜKEN KÖBÖI KÄ NGRABARE TIBIEN.

48. ¿JA MIKAKA JITE YE RABA KA KRÜKENE RADIOTE, TELEVISIONTE JUTA KWEBEN YA ÑO RUEN?

R. NI JA KÄ DIANKA JAKRI, BTA NI KÄ MIKA TÄRÄBTA PARTIDOKRÄ NE NGWANE KÄ ÑAKARE JA KRÜKENKRÄ. JRIÄBE NI KÄ DIANDREKÄ TÄRÄBTA JAKRI NE KÖBÖI KITADREAIBHE KRÄ NE NGWANE JA KRÜKENDRE ÑAKARE KÄ NGRABARE TIBIEN JA MIKAKA JITEKWE. ÑOBTA ÑAKARE AUNE NE NGWANE BRA KÄTA NI KÄ BE DIANDREKÄ JAKRI.

49. ¿ÑO NGWANE METRE JA MIKAKA JITE PARTIDO BÄRE NEKWE JA KRÜKENDRE KWÄRÄ KWÄRÄ?

R. NINE NAMANINA BÖSEKANI JITEKRÄ AUNE BATIBE, RABADRE JA KRÜKENE JÄME NGWARBE KWÄRÄ KWÄRÄ. KÄ SÖ KROBUTE NEBEBE MAYO KÖBÖMÄ MRÄ.

50. ¿JA MIKAKA JITE PRESIDENTEKRÄ KAIBE PARTIDO BÄRA, NE RABARERA BÄSÖKANI JITE JITEKRÄ NEBTI RABA JA MÄKE RIKADRE GWAIRE JA MIKAKA JITE MDA BEN YA?

R. JA MIKAKA JITE NE KWRERE RABADRERA BÄSÖKANI JITEKRÄ, KÄ ÑAN BIAN RABA IETRE JA MÄKÄKRÄ.

JA MIKAKA JITE NE KWRERE RUÄRE TÖ RABAIJAMÄKENE AUNE JADIANDREKÄ KWE MENTÄN JA MIKABTA JITE NEBTI, TÖ RABAI JA MÄKE, JA MÄKÄI KWE JA MIKAKA JITE MDEN BEN.

MDAKÄRE ABKO, NI JA MIKAKA JITE NE RABADRERA BÄSÖKANI TÄRÄ KITA JIE NGWINKAKWE AUNE PARTIDOTRE TÖ RABAI MIKAI SIBA JAKRI NE AUNE, ERERE RABADRE NEBE BÄRE JÄME NGWARBE IETRE.

